

影印
文淵閣

四庫全書

影印

文淵閣四庫全書

第一三二三冊

北京出版集團公司
北京出版社

本冊目次

湛	外	鐵	西
園	卷	廬	陂
			類
集	集	集	稿

清	清	清
姜宸英撰	潘天成撰	宋 犖撰
黃叔琳編	許重炎編	
……	……	……
五九三	五二一	一

欽定四庫全書

集部

西陂類稿卷一至四

詳校官起居注主事臣顧宗泰

助教臣常循覆勘

總校官檢討臣何思鈞

校對官編修臣勵守謙

謄錄監生臣朱履松

欽定四庫全書

集部七

西陂類稿

別集類六

國朝

提要

臣等謹案西陂類稿三十九卷

國朝宋榮撰榮有滄浪小志已著錄是編凡詩

二十二卷詞一卷雜文八卷奏疏六卷其詩

之目曰古竹圃稿曰嘉禾堂稿曰柳湖草曰

將母樓稿曰古竹圃續稿曰都官草曰雙江

欽定四庫全書

西陂類稿
提要

倡和集曰回中集曰西山倡和詩曰續都官

草曰海上雜詩曰漫堂草曰漫堂倡和草曰

嘯雪集曰廬山詩曰述鹿軒詩曰滄浪亭詩

曰迎

鑒集曰紅橋集曰迎

鑒二集曰清德堂詩曰迎

鑒三集曰藤陰倡和集曰樂春閣詩曰聯句集凡二

十有五其初本各自為集晚年致仕居西陂

乃手自訂定彙為茲帙惟初刻綿津山人詩集刪除不載蓋以早年所作格調稍殊故別為一編不欲使之相混也彙雖以任子入官不由科目而淹通典籍練習掌故詩文亦為當代所推名亞於新城王士禎其官蘇州巡撫時長洲邵長蘅選士禎及榮詩為王宋二家集一時頗以獻媚大吏為疑趙執信尤持異論併士禎而掎軋之平心而論榮詩大抵縱橫奔放刻意生新其淵源出於蘇軾王士禎池北偶談記其嘗繪軾像而已侍立其側後謁選果得黃州通判為軾舊游地又施元之蘇詩註久無傳本彙在蘇州重價得殘缺為校讐補綴刊板以行其宗法可以概見故其詩雖不及士禎之超逸而清剛雋上亦拔戟自成一隊其序記奏議等作亦皆疏暢條達有眉山軌度士禎寄榮詩有曰尚書北闕

霜侵鬢開府江南雪滿頭當日朱顏兩年少
王揚州與宋黃州言二人少為卑官即已齊
名不自長蘅合刻始所以釋趙執信之疑也
然則士禎亦未嘗不引為同調矣乾隆四十
六年十二月恭校上

總纂官_臣紀昀_臣陸錫熊_臣孫士毅

總校官_臣陸費墀

西陂類稿序

吾友商丘先生所為詠歌風雅之文曰某稿某集者數之凡三十有四而書奏序記辭令之文稱是焉於是綜其條貫列其叙位次其時月別其游處臚其嚮所名者匯為全編名西陂類稿西陂者舊廬也是時先生居西陂以書來謂余曰吾愛子之為文幸序而述之予發書慚汗厯旬涉月坐卧誦之行道則戒僮御持載以從蓋予之能卒業於先生之文大抵在車馬馳逐徒侶雜沓之時而習復呻吟忘其罷憊廢亂而有息焉游焉之樂者此心則在西陂煙水之間也山水之樂亦恒人之常情而予之息焉游焉以西陂烟水之間者凡以先生之文之美矣夫世之影華纓曳高裾駕輕策肥以游於名利夫得之場飄忽震蕩而不知止者蓋其所樂在彼而不在此也先生有道而能文得之於心行之於已澤加於天下其達於製述徵於比興者西陂之樂蓋無時而忘之故能興感於人心學者隨其所見皆有以自得於

欽定四庫全書

西陂類稿
序

塵瑱之表忘其所憂而樂其所樂也歟先生恬澹寡欲

有超然遠覽之志自其服膺文獻紹美前光學成而仕游歷中外常以書卷自隨晚而彌篤故其文闢深雋永尤長於諷諭之言以予之思雜風塵樂而不倦則亦豈徒耽文辭翫耳目而已哉其得於先生者亦已多矣雖然今歸老故山白首學道而茫然如故吾也先生有道而能文其何以教我哉客有言者曰先生之文先生之道之所存也子既樂之道在是已予嗒然移時曰敢不勉乎公教我矣併書之以為西陂類稿序康熙五十年辛卯三月澤州陳廷敬撰

欽定四庫全書

西陂類稿
序

欽定四庫全書

西陵類稿卷一

吏部尚書宋榮撰

古竹園稿

齋居

窮秋風雨積茫茫失昏曉擁被卧匡牀簷前嘯孤鳥披
衣啓蓬戶千林忽如掃黃葉滿階除菊華亦已槁紫蘭
落其英飛蘿尚嫋嫋顧此歲云晏抑鬱傷懷抱空簾閉

欽定四庫全書

西陵類稿
卷一

幽獨遺編恣探討今古兩難名寒牕盪叢篠

空城雀

空城雀聲啾啾羣飛往來求其儔蓬科有子壕有水朝
夕飲啄樂無已慎勿飛向人家裏少年挾彈子兒童把
黏竿人家待爾供盤餐嗟哉爾雀百憂攢

賜宴

執戟趨丹陛雲霄侍禁饗仗前朝賜生苑裏書傳餐醑
醑黃金椀櫻桃赤玉盤承恩歌湛露獨有近臣歡

大獵

講武

天王事觀風

聖主心三駟寬肅殺八駿鄙荒淫龍幄留中野霓旌出
上林飲飛隨衛士夙昔荷恩深

古廟

峻嶒古廟坐荒岑神鬼森羅玉座深畫壁旌旗閒自動
雕簷松柏畫長陰行人十里聞鐘至怪鳥三更入戶吟

欽定四庫全書

西陵類稿
卷一

欲問何王香火地螭碑零落土華侵

天河

萬古秋霄上迢迢一水橫光涵星宿小影帶月華清灝
氣通滄海餘波洗甲兵年年鵲橋渡牛女可憐情

送里人南歸

幾日烽煙息天涯君獨歸且消今夜酒去掩故園扉臺
圯黃河過村荒紫葢肥吟詩倍惆悵心逐片雲飛

戚家堰

遠樹重重雜暮烟
荒灘流水自潺湲
漫言此地行人少
解甲歸農始二年

東村刈麥

五月東村麥芄芄
沒壠高因風翻廢圃
過雨亂平臯
官帖儲胥急田歌
銍艾勞永言勤力作
庶此慰嗷嗷

過北莊四首

凌晨天氣佳策馬荒城下
一徑度陂塘泉源自傾瀉
菱葉靜如拭荷花秀堪把
迴溪鳥語多近岸人蹤寡
縱目

欽定四庫全書

西陵新稿
卷一

碧煙深嘉禾盈四野

雨意有無間隨風倏以至
喜茲土氣香何惜露衣袂
稍林表疎灑灑田間細雲
脚指頰岡雷聲出古寺白
鷺遠更明黃鸝溼欲墜道
旁有孤槐枝葉相虧蔽下
馬雜地坐斑白與童樺話
言固無倫樸直亦可對所
願歲功成一朝償積稅

雨後耳目清幾處鳴蟬聒
遙迤到荒村田園慰饑渴
我屋八九間軒楹對空闊
卧起遂移時憑几進粗糲
俯仰

恆初懷吟咏得閒豁
朱槿綴籬邊青藤纏木末
桃李何離離瓜實亦堪掇
地偏勝事收心遠塵緣割
寄語市廛人樊籠自可脫

振衣陟林丘曲徑任吾取
有廟峙其巔蕭然見環堵
鳥雀聚几筵牛羊散廊廡
碑圻古篆文年代誰能數
再拜一眺望微陽正亭午
豆葉碧連雲黍苗青映土
農事信可悅躬耕詎云苦
攘攘走兒童前村喧社鼓

落花

欽定四庫全書

西陵新稿
卷一

昨日花藪藪今日落如掃
反怨盛開時不及未開好

嘉禾堂稿

蚤過東村

凌晨發逸興策馬背荒城
平原何煦煦秋色殊空明
疎雨夜來過林壑被餘清
茅茨相因依蒼蔚藏柴荆
已喜塵鞅隔沉聞好鳥鳴
披襟話野老愉悅溢心情
攘攘市廛內無乃喪吾生
緬彼桃花源永言美躬耕

曉起

曉起兀坐南軒前物華滿目相新鮮海棠斑斑紅點地
栢柏鬱鬱青參天屋上鳴鳩亦何意離邊戲蝶真堪憐
十日五日望雨急喜爾雲氣來飄然

宿州道中

相傳州有盜蹤祠

故國辭梁苑孤城問宿州驅車岐路遠到眼亂山稠塔
廢巢雙鷁渠荒下片鷗東陵香火在試問欲何求

過鳳陽

廢殿今猶在祠官久不供牧牛來豎子棲鳥失長松日

欽定四庫全書

西陵雜稿卷一

抱蒼崖遠雲流碧澗重

興朝忠厚意隧道有人封

夜發大山鋪至關山作

夜發大山鋪西南陟諸嶺崖谷將萬轉山木相與永殘
月在林端層層散清影漱流趣不稀躋險心猶逞白芷
映紅榴青蒲交翠荇行矣復停輿晨光忽耿耿何處子
規啼回頭得深省

瑯琊寺

數里環蒼翠山門轉折多佛樓橫澗底講席峙巖阿細
雨斜侵竹長虹晚入河到來清興發絕頂自高歌

歸雲洞

不盡登臨興新晴肯遽還側身山谷裏捫葛洞門邊石
乳時時雨松陰處處煙黃昏仍倚杖片月向人懸

楚江曲

楚江來湯湯瞬息已千里明月在遙天清光散江水揚
舲鼓柁欲何之今夜鄉心只自知側身北望風吹袂江

欽定四庫全書

西陵雜稿卷一

水東流明月西

咏史二首

吾觀曹參相英偉有奇抱攻城與野戰氣象凌蒼昊一
聞蓋公言刻意遵黃老去齊語代者獄吏并容好及其
登朝後酣飲忘昏早歌呼和羣吏中懷何浩浩守成無
異術清淨以為寶史遷贊匪誣極言能合道寄語功名
人鋒稜亟須掃

古之恭謹士乃推萬石君躬行感人主舉家盡欣欣惟

建稱充肖遇事展殷勤退朝入子舍手浣親中裙慶也
稍簡易數馬有令聞雖曰天姿厚亦惟和氣熏千秋讀
遺史藹然接清芬嗟哉世儒輩務華徒虛文

夏日同杜于皇康小范陳伯璣董文友倪闇公過
高座寺訪無可大師復至萬松菴訪張爾公吳漢
若即事有作

凌晨結伴出長干雲白山青野望寬花雨高臺聞遠磬
松陰曲徑覓幽蘭六朝興廢從誰問一代風流接席看

欽定四庫全書

西陵雜錄
卷一

欲刻新篁留姓字茶烟輕裊夕陽殘

烏江

落日烏江繫小船拔山氣勢想當年一間古廟荒烟外
野鼠銜髭上几筵

題胡循蜚畫石

素壁陰森翠幾重卷然削出玉芙蓉知君不盡西湖興
特寫飛來第一峰

贈汪孟初山人

石耳山中七十翁往來梁苑鬢如蓬可憐大有吟詩癖
一日新篇滿一筒

武城道中

小邑名元著蕭條戰伐餘河流環廢堞茅屋枕荒墟日
午行人少天空過雁疎明農方下
詔誰為勸耕鋤

西風

一夜西風急閉門落葉稠青煙收曠野白日媚窮秋鴻

欽定四庫全書

西陵雜錄
卷一

雁歸應盡芙蓉晚故留無端悲節序惆悵向林丘

寄胡循蜚

忽憶西湖客端居歲月淹波光連小苑山色滿虛檐關
著尊絲滑彈箏玉指纖何時能過訪賦筆許同拈

送胡去驕七十四韻

先子晉綸扉乃在丙戌歲賤子藉餘蔭觀光太學內時
維童子年碌碌隨流輩君家先學士適踐司成位師道
煥然明端居垂訓誨講學似昌黎斯文未終廢諸生荷

釣陶賤子破愚昧正如草木生因人得灌溉持此感至
德終身矢不遷無何歲月遷彼此忽異地回首歎猶龍
中心徒憤憤辛卯夏五月先子遂勇退未成綠野遊已
見墓門閉歎我失怙兒常懷負笈志嗚呼壬辰冬師也
復長逝造物何冥冥吾道任凌替痛哭向昊天形容日
顛顛狂與阮籍同貧豈原憲愧去去向京華孤身歷幽
薊官闕鬱嵯峨遠近相虧蔽桂棟映蘭橈臨風何綺麗
奔走九陌中詞賦成嫚戲丁酉孟秋月與爾倏然值夙

欽定四庫全書

西陵雜錄
卷一

九

昔未相逢一朝快把臂不遑問出處先自述家世四目
如湧波各灑終天淚泣罷乃還歌斗酒竟沉醉俯仰天
地間身名貴自致鸞鳳即難驚駑駘亦騏驎萬事無端
倪誰能辨軒輊所幸有吾徒先猷未失墜一嘯暫揮手
蹤跡兩捐棄西山新雨後何人挹蒼翠淹忽逾二年中
懷鬱以積梁苑有薄田日夕甘負耒苦病類文園殷憂
恒惴惴每咏蒹葭篇秋水渺無際山寒桂花落幾日幽
盟遂徘徊歲云暮霜雪凋蘭蕙蓬蒿滿院宇直如張仲

蔚客自廣陵來停驂叩我第連宵夢見之失喜故人至
入戶生我牀張燈解君佩酌酒話艱辛山厨薦霜菜酒
闌各就寢誰能便安寐更起坐月明蕭蕭朔風吹轉盼
和氣回春事自茲始平臺峙沃野晴雲浮鸞隼登高望
四海樽酒尋常載黃河浩蕩流鄒枚竟安在懷古發奇
情高吟屏塵態鴻雁競嗷嗷飛鳴向邊塞城市隱鱗鱗
人煙何瑣碎時從竹園遊還向鶴洲憩平原十日飲盛
事應難再此日最風流前徽章可建論文宗馬遷咏詩

欽定四庫全書

西陵雜錄
卷一

十

追曹植正聲變衰靡明堂尊鼎鼐敢言身後名且快吾
徒意門掩卷常披孟空酒更貫情親見肺肝意洽呼兄
弟舍弟斫與爇頗亦稱解事圍棊展戲謔染翰叨陪侍
徐子恭與葉君荃伯士十載甘蘿薜時來共盤桓妙論馬能
計君言親未墓此地敢留滯中夜忽徬徨淚下霑衣袂
將命邗江舟兼鼓洞庾杻言辭何凜凜所貴在大義青
眼更誰開白駒難爾繫且復立須臾顏色暫相對風前
遠樹齊雲外晴巒出顧景倍惆悵折柳起長喟再拜贈

芻蕘明德須砥礪

城西陂泛舟二首

萬頃琉璃外城樓似畫圖危橋憑浪遠野艇帶雲孤渚
淨花堪摘沙明鳥自呼歌頭傳水調高興滿江湖
柁響蛙聲歇舟停露氣微渚烟閒泛泛汀柳故依依白
破晴沙遠青抽亂葦肥羣鷗吾共汝莫漫拂波飛

牽牛織女

夜靜河漢明迢迢流中渚鼎足三星間盈盈者織女彷彿

欽定四庫全書

西陵雜錄
卷一

佛是牽牛相對還自阻抱此萬古情悵望不能語惟有

左右旗每夜伴機杼

出郭

出郭行未遠林壑相因依散步發逸興茅茨帶斜暉牛
羊下前坡一望柴扉徑轉桃李熟溪平魴鱖肥翠芹
牽且流小燕止復飛時見村中人持竿坐漁磯即此堪

怡悅攘攘竟安歸

秋日過秦虞桓草堂

借得山僧杖來尋處士家一丘森竹樹半畝足烟霞路
轉寒潭靜堂開斷嶺斜漁舟時復至溪上有桃花

杖策

杖策城西路涼風八月天林深喧老鶴澗窄湧清泉雨
氣秋原外人家夕照邊桃源真可覲吟眺未能還

登廢城

荒城亘數里形勢自森布秋草碧參差閒雲莽回互停
車陟其巔披榛得徐步白日忽西馳乾坤入薄暮行潦

欽定四庫全書

西陵雜錄
卷一

接洪流歸人喧野渡遠村蚤稷收近岸寒鴉聚縱覽感
孤懷含悽倚獨樹往者全盛日茲城稱虎踞城中十萬
家歌舞不知數野騎來縱橫蹂躪失險固燐火照郊原
通衢走狐兔遺鏃樵夫拾廢堡山僧住回頭市井間人
煙已非故淒涼二十年小康猶未賦暫此息鼓聲遙天
看飛鷺

稍晴

久雨苦泥滓瘦日見亦稀稍晴氣象好繞屋鳥雀飛朱

杞搖壞壁翠竹倚頽扉岸幘步秋草雲影落人衣蕭散
有如此合取五絃揮

過盧溝橋

盧溝橋畔雪霜多今日衝寒又一過不道鄉心南去急
祇疑波浪似黃河

涿州道中

暫喜風靈息還愁道路長蚩尤傳戰鬪獨鹿見青蒼地

迴城依水天寒樹帶霜忽聞吹簫聲獵騎出長楊

欽定四庫全書

西陵雜稿
卷二

宿金隄驛有感步申臬盟壁上韻

晚飯依童僕燈前粗糲香窮途驚歲序好友惜淪亡

謂邢

臺黃吏生臨
治李臺辰

月暗寒雲重風淒畫角長鄭虔雙白鬢何

異魯靈光

時丁野鶴為
容城廣文

清風店口號

店有西冷雜
女宋娟遺筆

淒風苦雨不勝悲獨宿清風店裏時一夜幾番添蠟燭

牆頭細讀宋娟詩

邯鄲道上

邯鄲道上起秋聲古木荒祠野潦清多少往來名利客
滿身塵土拜盧生

山齋

庭隅危石競巉巖石上蒼松映碧杉登眺無煩尋五嶽
晨昏長此對千巖風前雲氣來書幌雨後苔痕照客衫
一卷南華堪累月滿階秋草不須芟

送李草樓太守之官黎平

五溪南下擁輕船後夜思君倍寂寥定有功名酬虎竹

欽定四庫全書

西陵雜稿
卷一

何妨詞賦繼龍標山盤銅鼓愁陰洞江遠荊柯指暮潮

回首中原飛鳥外嶺梅好寄一枝遙

沐浴子

澡身濁井泉沐髮渾水溝本欲求光澤翻貽七尺羞所
以濯足者須乘萬里流

飲酒

日暮山色紫池水深且清園花半欲落宿鳥向人鳴浩
歌酌春酒蕭然適此生明月如故友相對坐南榮

柳湖草

秋日柳湖僧舍二首

西風吹淡蕩秋色書陰陰古寺塵喧隔空庭煙雨沉寒
登啼壞壁清磬落疎林獨坐披圖史悠哉愜素心
秋花開石砌散步挹清芬山色當門見鐘聲帶月聞短
衣添敗絮晚飯憶香芹何限京華客真同涇渭分

劉鴻臚歌

宣城劉公名光揚年過六十鬢髮蒼一身落拓僅三尺

欽定四庫全書

西陵雜錄
卷一

五

雙瞳如水分毫芒十年海內盛翰墨短碣豐碑盡鐫刻
琅華館與快雪堂至今處處生顏色憶昔

先皇天縱才臨池學書何勤哉

宸翰精妙古無比上與雲漢同昭回猶云絕技必古人

窮搜墨寶前具陳真蹟雙鉤上文石揚也奉詔無逡巡

玄秘塔九成宮經年摹勒何其工縱橫波磔無遺憾本

來面目將無同搨成匊匊瀛臺奏

至尊含笑當清書賜金賜絹皆回辭賜官拜受誠希覲

官列鴻臚承

帝眷從茲出入文華殿退朝常得奉

宸遊日下人爭識君面無何龍馭忽升遐薄倖雖存罷
曉衙疲驢漫走長安道手持

御墨賣誰家歲云暮矣卧茅廬車馬蕭條故舊疎無限

傷心堪灑淚柴門猶自署鴻臚

過沈仁伯寓

同是他鄉客看君倍可憐柴門寒背日土竈靜無煙車

欽定四庫全書

西陵雜錄
卷一

五

馬交遊少丹青歲月遷騎驢暫相訪談笑得悠然

長安曲二首

滿目飛沙十月天名王新唱凱歌旋燈前解却黃金甲

兩隊吳姬奏管絃

中和大樂類咸英九奏瀛臺悅

聖情昨日金鰲橋上過天風吹落鳳凰聲

和唐人姚倫感秋林作

霜滿空庭樹芳菲事已殊葉隨千陌迴影落四鄰孤蕭

撼來秋月槎枒集夜烏東皇消息近何必怨彫枯

雁

萬里憑雙翼三秋乍一聲影隨霜月落陣帶野雲橫絕
塞眠孤戍深閨倚繡楹淒清偏入耳何限暮愁生

雨餘

雨餘片月上光彩晶然開青松陰幽徑白露霑荒臺攬
衣恣閒步忽見飛鴻來浩歌感流景鬱思難為裁

題女郎畫梅

欽定四庫全書

西陵雜錄
卷一

竹外香飄豔雪姿多情翠羽呀疎枝掃眉才子無雙筆
貌得羅浮夢醒時

聞砧

一片空中響閨人萬里情夜深時斷續聽久忽分明韻
起霜階冷風傳遠巷清搔頭添客恨不待峽猿聲

題雪景畫

層巖策杖立從容積素凝寒千萬峰老樹敲斜飛鳥絕

寺門深掩一聲鐘

道中遇雨

目斷鄉關杳陰雲萬里生春衣逢暮雨疲馬望孤城
麥參差秀村烟斷續明懸思歸舍日嫩竹滿前楹

荒村

霽色催征騎荒烟望戍樓斷雲寒遠樹殘雪曉盈疇
水經時缺風塵幾日休歸心同塞雁迢遞下河洲

將抵里門途中苦雨二首

咫尺淹歸騎荒村暮雨聲愁眠曹叔邑夢繞宋王城
野

欽定四庫全書

西陵雜錄
卷一

六

店牛羊聚虛簷鳥雀爭出門泥滑滑翻羨雪中行
入夜響滂沱空房水氣多也知田父喜具奈客愁何
紅燭消殘夜清樽發浩歌橫流前路滿聞說漲黃河

西陵類稿卷一

欽定四庫全書

西陂類稿卷二

吏部尚書宋犛撰

將母樓稿

秋日赤壁公譙用徐亦史令君韻

飛蓋真成爛熳遊孤亭如笠俯黃州
褰衣盡有滄洲興對酒寧無白雪謳
斷岸霜風吹草樹寒江煙雨凍鳬鷗
中宵漸吐東山月揮手還登百尺樓

欽定四庫全書

西陂類稿
卷二

破額山前碧玉流歌

破額之山何崔嵬雙峰對峙雲中開
上有青松萬樹相糾結下有飛泉一道
相縈迴乘風直下一千丈石魚磯上如
奔雷石魚映日鱗甲動噴波幾欲揚其
顙我從塵中來選勝此徘徊釋氏遺蹟
樵人說山腰殿閣生蒿萊何必窮巖穴
此際宜銜杯長橋如竦跨瀑布顧盼忽
已離塵埃橋邊三大字云是柳河東石
崩水激苔紋紫其書彷彿如驚龍摩挲
發高興吟眺凌長風安得攜家誅

茅此中住漱流枕石歡無窮

食鼈羹作

介蟲之元勢最豪如輪穹脊來江濤盤餐誰使窮水族
滋味直欲分太牢犀箸交錯亦何忍鷹刀縷切隨所遭
嗟爾子公竟染指須知口腹難為操

曉起

朝陽欲上雲氣寒江湖一望波濤寬哀鴈去樓不盈尺
疎竹搖風纔數竿天涯歲暮倍惆悵孤身小院仍盤桓
樽中有酒須盡醉昨日菊花今日殘

欽定四庫全書

西陂類稿
卷二

種松

一片青蔥色移來歷萬峰數枝初伴鶴孤幹已猶龍
日瘦陰還薄風多響自重歲寒堪寄傲何必大夫封

即事六首

兩年宦況一囊詩盡日都為嘯咏時欲向前廳了公事
二三老吏正圍碁

危樓百尺向江開把酒登臨日幾迴隔岸樊山能好我

故將青翠入牕來

東齋不復似官衙竹徑松扉興自賒最是園丁能解事
黃昏時節課澆花

土定盤中堆茉莉漢銅壺內侵荷花垂簾靜對郭熙畫
散髮頻傾陽羨茶

雨過山光翠且重一輪新月掛長松吏人散盡家僮睡
坐聽寒溪古寺鐘

聚寶山頭日已曛閒尋怪石踏飛雲牧童樵子相傳說

欽定四庫全書

西陵類稿
卷二

拾得應來獻使君

江上行送陳義扶

籬邊黃菊如金錢與君對菊當秋天樽中有酒如流泉
與君對酒吟新篇盤桓十日樂不極如何忽汎湘江船
湘江之水流潺湲青山兩岸相連綿送君南浦日將夕
高歌一曲扣其舷一曲未終帆已揚臨風分袂徒傍徨
蘆花楓葉皆愁色況復猿聲堪斷腸

秋興四首

楚中形勝說黃州亂後依然江水流到眼雪堂紅樹老
傷心赤壁白雲秋官閒射虎時驅馬歲晚看山幾上樓
俯仰天涯蕭瑟甚叢篁寒雀暮啾啾

侍從當年向

紫宸天街走馬錦袍新門開左翼貂璫聚樂奏中和豹
尾陳西苑射生叨宴飲南郊饗帝仰明禋鼎湖龍去辭
丹闕淚灑滄江把釣緡

昨日聞人說洞庭滄波浩淼接雲汀遲迴煙艇空中見

欽定四庫全書

西陵類稿
卷二

斷續漁歌浦外聽柳毅廟深飛素月湘妃墓冷閃秋螢
何時鼓柁東流去遙識君山一點青

公庭吏散快閒身茗椀詩筒發興新春水得鱗晨獻母

秋風剪韭夜留賓三年偃仰江湖數子追隨笑語親

忽復冥鴻天外去蘆花鷗鳥正愁人

時何道參王侯齋同眾官

葛殿卿雨中見過即席賦贈用彭禹峰先生韻

吳楚風煙入望寬嗟君歲晚未能安半生遊宦功名薄
四海依人道路難赤壁孤舟楓葉冷臨皋古寺雨聲寒